



Sakspapir

Sakshandsamar	Arkiv	ArkivsakID
Jan Torry Sande	FE-140	21/249

Saksnr	Utval	Type	Dato
053/21	Formannskapet	PS	08.06.2021
043/21	Kommunestyret	PS	17.06.2021

Endring av planstrategien - Kommunedelplan for "Øyane"

Saksutgreiing:

Bakgrunn

I Fedje kommune sin økonomiplan for 2021-2024 er følgjande slått fast: «“Det grønne skiftet” med elektrifisering av samfunnet og utvikling av havvind er også eit område der Fedje har eit godt utgangspunkt for å kunne ta del i og som kan gje både arbeidsplassar og inntekter til Fedje i framtida.»

Det har vore interesse frå profesjonelle aktørar for energiproduksjon med havvind i områda omkring Fedje.

Vurdering

Av ulike omsyn er det landfaste vindmøller i området kjent som «Øyane» som har vore diskutert i det siste.



Kartutsnittet over dekkjer det meste av dei områda som er interessante.

I planstrategien vart følgjande vedteke i kommunestyremøtet 30.04.2020 (k-sak 022/20):



Fedje kommune

«Interkommunal plan for sjøareal i Region Nordhordland

Det vert starta opp ein interkommunal plan for sjøareal i Region Nordhordland. Planen skal vere godt forankra i kommunane og planutvala i kvar kommune skal vere tett involvert.

Kommunedelplan for sjøområda – oppdrett og havvindmøller

For å utnytta næringspotensialet og for å følgja opp føringar frå kommunestyret må det utarbeidast ein kommunedelplan for sjøområda som omfattar nye lokasjonar for fiskeoppdrett i sjø og botnfaste vindmøller i sjø. For å gjera dette raskt og mest mogeleg effektivt vert denne planen handsama utanom interkommunal plan for sjøareal.»

Statsforvaltaren kom i brev av 10.12.2020 med følgjande kommentar til planstrategien: «Når kommunen i planstrategien skriv at de ønskjer å utarbeide ei KDP for sjøareala «raskt og effektivt», er vi uroa for at kommunen undervurderer kva arbeid som skal til for å utarbeide ein god kommunedelplan for sjø. Kommunen bør etter Fylkesmannen sitt syn heller bruke desse ressursane i arbeidet med den interkommunale planen.»

I gjeldande kommuneplan er «Øyane» regulert til LNFR-område. Denne reguleringa gjev ikkje rom for bygging av vindmøller. Regulering til anna planformål i ein ny kommunedelplan vil kunne gjere det mogeleg å godkjenne søknader om bygging av vindmøller i området.

Folkehelse – Vindmøller i nærområda kan med føre ein viss støy.

Miljø – Eventuelle miljøspørsmål vert regulert av Plan- og bygningslova. Bygging av eventuelle vindmøller i øyane er eit prosjekt som krev konsekvensutgreiing, med miljø som tema.

Økonomi – Vindmøller innføre kommunegrensene til Fedje har eit stort potensial for inntekter for kommunen.

Konklusjon

Rådmannen vil imøtekomme kravet frå statsforvaltaren. Arbeidet med ein interkommunal plan for sjøareala i Nordhordland er i gang, og vert prioritert. Å gjennomføre eit parallellt arbeid med ein kommunedelplan for sjøareala omkring Fedje vert skrinlagt. I staden er det nødvendig å få ein kommunedelplan for Øyane, som regulerer området til dei planformåla som gjer det mogeleg å gjennomføre eit eventuelt prosjekt med bygging av vindmøller.

Bygging av vindmøller i øyane krev ein eigen kommunedelplan. På grunn av reglar og krav vil det krevje mykje jobb å få den nye kommunedelplanen god nok for godkjenning og vedtak.

Rådmannen ønskjer difor å gjere ei tilføyning i planstrategien som opnar for å byrje på arbeidet med ein kommunedelplan for Øyane-området med tanke på mogeleg bygging av vindmøller i dette området.

Arbeid med ein ny kommuneplan for «Øyane» vil krevje ein del ressursar og det vil ta tid. Det er difor ønskeleg å få med denne endringa i planstrategien så snart som mogeleg. Ei endring av planstrategien skal ut høyring, og vil difor og ta tid.

Forslag til vedtak:

«Planstrategien – Fedje kommune 2020 – 2024» vert endra, og «Kommunedelplan for Øyane» vert lagt inn i planstrategien under overskrifta «Prioriterte planar».



Fedje kommune

Formannskapet - 053/21

F - behandling:

Framlegget frå Stian Herøy (H) var eit felles framlegg frå formannskapet.

F - vedtak:

Saka her er at ein ønskjer å sjå på om det er mogleg å bruke delar av øyane til ei framtidig vindmøllepark. Eit samla formannskapet ønskjer ikkje å gå vidare med denne saka.

Eg vil på formannskapet sine vegner tydeleg seie nei til vindmøller då det kan øydelegga for andre prosjekt som kommunestyret har vorte orientert om. Som ein konsekvens av dette vil me seie nei til forslaget til endring av planstrategien.

Eg vil og på vegner av formannskapet varsle at me vil reise sak i kommunestyret der me ber om at ein stoppar vidare arbeid med vindmøller på alle plan, jf. sak 17/20.

Samrøystes vedteke.

Kommunestyret - 043/21

K - behandling:

Forslag frå ordførar Stian Herøy (H) Saka her er at ein ønskjer å sjå på om det er mogleg å bruke delar av øyane til ei framtidig vindmøllepark. Eit samla kommunestyret ynskjer ikkje å gå vidare med denne saka.

Forslaget frå Stian Herøy (H) vart sett opp mot innstillinga frå formannskapet.

K - vedtak:

Saka her er at ein ønskjer å sjå på om det er mogleg å bruke delar av øyane til ei framtidig vindmøllepark. Eit samla kommunestyret ynskjer ikkje å gå vidare med denne saka.

Vedteke 13 mot 2 røyster. Torill Hermannsen Horgen (H) og Ernst Horgen (H) røysta for innstillinga frå formannskapet.